

---

**- SENAT –**

Broj: 01-6-34/24

Sarajevo, 27. 11. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. Statuta Univerziteta u Sarajevu, na prijedlog Odbora za nastavu i studentska pitanja Univerziteta u Sarajevu, broj: 0105-11165-3/24 od 05. 11. 2024. godine, Senat Univerziteta u Sarajevu na 2. redovnoj sjednici održanoj 27. 11. 2024. godine, *d a j e*

**T U M A Č E N J E**

*člana 63. stav (6) Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu*

**I**

Članom 192. st (6) Statuta Univerziteta u Sarajevu utvrđeno je sljedeće: *Sva pitanja u vezi sa načinom, rokom, postupkom izbora, predlaganjem, odobravanjem i zamjenom teme završnog rada, nazivom završnih radova, formiranjem komisije, izradom i odbranom završnog rada, određivanjem i zamjenom mentora, te druga pitanja iz oblasti detaljnije se utvrđuju pravilima studiranja.*

Nadalje, članom 252. stav (9) tačka b) Statuta Univerziteta u Sarajevu utvrđeno je: *da naučnoistraživačko i umjetničkoistraživačko osoblje na fakultetima i akademijama u okviru Univerziteta može biti mentor završnih radova.*

Članom 63. stav (6) Pravila studiranja utvrđeno je sljedeće: *Mentor rada može biti redovni profesor, vanredni profesor, docent i emeritus iz uže naučne/umjetničke oblasti, dok članovi komisije mogu biti iz srodne oblasti. Kandidatu se može imenovati kao komentor nastavnika sa istog ili drugog fakulteta. U izuzetnim slučajevima kandidat može imati i dva mentora.*

Oslonom na gore citirane članove, Senat Univerziteta u Sarajevu utvrđuje sljedeće:

*Nastavnik koji nije učestvovao u nastavi a koji je uposlen na drugoj članici Univerziteta u Sarajevu, može biti mentor završnog rada, pod uslovom da se radi o nastavniku koji je iz uže naučne grane ili naučne/umjetničke oblasti. U slučaju kada je mentor završnog rada nastavnik koji nije učestvovao u nastavi, Vijeće može donijeti odluku o dodjeli komentora, nastavnika koji je učestvovao u nastavi. Nastavnik koji je bio angažovan u periodu kada se izvodila nastava, ali više nije angažovan, može biti mentor studentu koji je slušao nastavu kod tog nastavnika.*

## II


Ovo Tumačenje predstavlja sastavni dio teksta Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu.

### *Obrazloženje*

Odbor za nastavu i studentska pitanja Univerziteta u Sarajevu je zaprimio upit/zahtjev za tumačenjem člana 63. Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu.

Odbor za nastavu i studentska pitanja Univerziteta u Sarajevu je na sjednici održanoj 05. 11. 2024. godine, nakon analize odredbi Statuta i Pravila studiranja, dostavio Senatu Univerziteta u Sarajevu prijedlog teksta Tumačenja člana 63. stav (6) Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu.

U skladu da naprijed navedenim, Senat Univerziteta u Sarajevu je, na održanoj sjednici, dao Tumačenje člana 63. stav (6) Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, kako je navedeno u tački I.

  
**REKTOR**  
*Prof. dr. Tarik Zaimović*



Dostaviti:

- Članicama Univerzitetu u Sarajevu (**putem Službe za nastavu i studentska pitanja**)
- Službi za nastavu i studentska pitanja Univerziteta u Sarajevu
- Internet stranica
- U dokumentaciju Senata
- Arhivi